

## **'Wartawan masuk zon perang semasa BERSIH'**

**MalaysiaKini.com**

**10 Ogos, 2012**

**Oleh Hazlan Zakaria**

Cara pengendalian wartawan dipersoalkan oleh polis, apabila ia dianggap faktor penyumbang kepada insiden kekasaran terhadap petugas media oleh polis semasa perhimpunan BERSIH 3.0 pada 28 April lalu.

"Menurut garis panduan... mereka tidak harus memasuki zon perang ketika membuat liputan. Semasa BERSIH, mereka meletakkan diri dalam zon perang.

"Mereka berada antara pihak berkuasa dan peserta. Jika berlaku rusuhan, mereka akan terperangkap antara kedua-dua pihak," kata ACP Jamaluddin Abdul Rahman kepada inkuiri Suruhanjaya Hak Asasi Manusia (Suhakam) bagi menyiasat kekasaran pihak berkuasa dalam perhimpunan itu.

Beliau menjalankan soal balas terhadap saksi ke-27 V Anbalagan yang juga setiausaha agung Kesatuan Wartawan Kebangsaan (NUJ).

Anbalagan bagaimanapun tidak bersetuju apabila BERSIH 3.0 disamakan dengan zon perang.

"Dan walaupun mereka terperangkap di tengah-tengah, polis tidak sepatutnya memukul wartawan," balas Anbalagan (kanan).

Copyright © 1999-2012 Mkini Dotcom Sdn. Bhd

Source: <http://www.malaysiakini.com/news/206029>